

BE.67. TAPUJI MA TUHANTA (A=1)

=====

B.E No. 67. TAPUJI MA TUHANTA

1. Hamu ale donganku Sai tiru ma hatangku
Mamuji Debatanta Na pangoluhon hita
2. Sai songon na mardalanTabolus angka taon
Disi dope hosanta Diudut Debatanta.
3. Ai songon inaina Manjaga anakonna
Laos songon i Tuhanta Dijaga do hosanta
4. Tutu do Tuhannami Ndang haramotan hami
Satongkin tondinami Nang pe pamatangnami
5. Pinuji ma goarMu Dibahen sude basaMu
Manatap na hasea Di hami na marjea
6. Asi rohaM o Tuhan Tangihon pangidoan
Na hupasahat hami Tu Ho o Tuhannami
7. Ramoti hosanami Ro di pamatangnami
Padao ma parsahiton Nang jea pe o Tuhan
8. Tumpahi na niula Di hauma nang di huta
Pasingkop bohalnami Mangudut ngolunami
9. Sai dohot na ummarga Sian saluhut arta
Tu hami ma tumpakkon I ma TondiM o Tuhan
10. Togihon hami sahat Tu hangoluan sogot
Tumean hasonangan Na di banuaginjang.